

ZAPISNIK
sa 17. vanredne elektronske sjednice Upravnog odbora
Univerziteta u Tuzli održane 16. i 17.11.2022.godine

Zbog hitnosti u postupanju, organizirana je 17. vanredna elektronska sjednica Upravnog odbora na dan 16.11.2022. godine.

Članovima Upravnog odbora je dostavljen prijedlog dnevnog reda i to:

DNEVNI RED:

1. Donošenje Odluke o izboru vršioca dužnosti Generalnog sekretara Univerziteta u Tuzli.

Elektronskim putem, članovima Upravnog odbora dostavljen je prijedlog odluke sa obrazloženjem o imenovanju Nađe Salkić, bachelora prava za vršioca dužnosti Generalnog sekretara Univerziteta u Tuzli, te pismeni Prijedlog Rektorice Univerziteta za imenovanje Nađe Salkić, bachelora prava za vršioca dužnosti Generalnog sekretara.

Određeno je da se izjašnjavanje po dnevnom redu i tački dnevnog reda provede u vremenu od 14,30 do 15,45 sati.

U radu sjednice učestvovali su predsjednik Upravnog odbora dr. sci. Semir Ahmetbegović, vanr. prof., te članovi: Suad Hasanović, Amela Mahmitović, Adela Šaldić, Omer Beširović, dr. sci. Franc Andrejaš, vanr. prof., dr. sci. Kenan Mandžić, red. prof., i dr. sci. Anita Petrović, vanr. prof.

U 15,30 sati predsjednik Upravnog odbora je putem meila obavijestio sve članove Upravnog odbora da radi potrebe pribavljanja dodatnih podataka po materijalu za glasanje elektronskim putem na 17. vanrednoj elektronskoj sjednici, u skladu sa članom 22. stav (1) i stav (3)

Poslovnika o radu Upravnog odbora prekida rad sjednice, te je odredio da će se ista nastaviti sutra, 17.11.2022. godine u vremenu od 11.00 do 14.00 sati.

Po pismenom zahtjevu Predsjednika upućenom Rektorici Univerziteta putem meila, punomoćnik Rektorice prof. dr. sc. Jasmin Suljagić je dostavio dodatnu službenu dokumentaciju kao prilog Prijedlogu Rektorice (dokumentacija u evidenciji sjednice).

Nakon što je dokumentaciju dostavio članovima Upravnog odbora, Predsjednik Upravnog odbora je dao pismenu obavijest da otvara nastavak 17. vanredne sjednice na dan 17.11.2022. godine, počev od 11,36 sati.

Elektronskim putem sa svoje e-mail adrese, svi članovi koji su učestvovali u radu 8 (osam) izjasnili su se „za“ prijedlog Odluke o izboru Nađe Salkić, bachelora prava za vršioca dužnosti Generalnog sekretara Univerziteta u Tuzli.

Na bazi rezultata glasanja na sjednici Upravni odbor je većinom glasova od ukupnog broja članova donio

ODLUKU
o izboru vršioca dužnosti Generalnog sekretara Univerziteta u Tuzli

I

Za vršioca dužnosti Generalnog sekretara Univerziteta u Tuzli izabrana je Nađa Salkić, bachelora prava.

II

Mandat izabranog vršioca dužnosti Generalnog sekretara traje do izbora i imenovanja Generalnog sekretara Univerziteta u Tuzli, a najduže šest mjeseci.

Izabrani vršilac dužnosti Generalnog sekretara Univerziteta ima sva prava i dužnosti Generalnog sekretara Univerziteta.

III

Ova Odluka je konačna.

O b r a z l o ž e n j e

Nakon što je prihvatio nadležnost da kao Univerzitetski organ postupi po Rješenju Glavnog kantonalnog inspektora za obrazovanje, nauku, kulturu i sport Kantonalne uprave za inspekcijske poslove Tuzlanskog kantona broj:17/4-VI-34-004116/22 od 27.05.2022. godine i Rješenju Ministarstva obrazovanja i nauke Tuzlanskog kantona broj: UP2-10/1-30-000197-22 od 14.07.2022.godine,Upravni odbor Univerziteta u Tuzli, na 14. vanrednoj sjednici održanoj 14.11.2022. godine, nakon provedenog tajnog glasanja, većinom glasova od ukupnog broja članova Upravnog odbora donio je Odluku o poništenju Odluke o izboru i imenovanju Generalnog sekretara Univerziteta u Tuzli broj:04-6710-1-5.2/21 od 30.11.2021. godine.

Kako je Odluka Upravnog odbora konačna u smislu člana 99. stav (5) Statuta Univerziteta, stvorene su pretposatavke da Upravni odbor, na prijedlog Rektorice Univerziteta imenuje vršioca dužnosti Generalnog sekretara Univerziteta u Tuzli u skladu sa članom 102. stav (1) i (2) Statuta Univerziteta u Tuzli.

U tom smislu Rektorici Univerziteta je dostavljen Zaključak Upravnog odbora broj: 04-6418-1-1.1/22 od 15.11.2022. godine kojim je zatražen njen pismeni prijedlog za imenovanje vršioca dužnosti Generalnog sekretara Univerziteta u Tuzli u skladu sa članom 102. stav (1) Statuta Univerziteta u Tuzli.

U skladu sa zaključkom Upravnog odbora, Rektorica Univerziteta je dostavila Upravnom odboru Prijedlog broj: 01-6433-1/22. od 16.11.2022. godine kojim je za izbor vršioca dužnosti Generalnog sekretara Univerziteta u Tuzli predložila Nađu Salkić, bachelora prava.

Upravni odbor Univerziteta u Tuzli, na 16. vanrednoj elektronskoj sjednici održanoj 16. i 17.11.2022. godine, razmotrio je prijedlog Rektorice, te nacrt Odluke o izboru vršioca dužnosti Generalnog sekretara Univerziteta u Tuzli, sastavljen po Prijedlogu Rektorice Univerziteta i u skladu sa Poslovníkom o radu Upravnog odbora po materijalima o kojima se odlučuje na elektronskoj sjednici.

Nakon provedenog glasanja elektronskim putem u kojem je učestvovalo osam članova Upravnog odbora, sa osam glasova za nacrt Odluke, dakle većinom glasova od ukupnog broja članova Upravnog odbora, donesena je Odluka o izboru Nađe Salkić, bachelora prava za vršioca dužnosti Generalnog sekretara Univerziteta u Tuzli.

Na osnovu prednje navedenog, analognom primjenom odredaba člana 102. stav (1) i (2) Statuta Univerziteta u Tuzli, Upravni odbor je i odlučio kao u dispozitivu ove Odluke.

Odluka je konačna analognom primjenom odredbe člana 99. stav (5) Statuta Univerziteta u Tuzli.

ZAPISNIK SAČINIO

Ahmo Muhić, dipl.pravnik

UNIVERZITET U TUZLI

Broj: 04-6434-1/22

Tuzla, 17.11.2022. godine

PREDSJEDNIK
UPRAVNOG ODBORA:

Dr. sci. Semir Ahmetbegović, vanr. prof.

